

2. MIZORAM THALAI KRISTIAN PÂWL REPORTS: 2018-2019

Mizoram Thalai Kristian Pâwl Rorêlna Vawi 65-na Palai duhawm tak takte, Mizoram T̄KP aiawhin kan Lalpa Isua Krista hmingin chibai ka bûk a che u. Mizoram Thalai Kristian Pâwlah hian member 43353 kan awm a, Hmeichhia 16143 leh Mipa 27210 kan ni. Pastor Bial 85-ah Unit 420 kan awm. Kumin 2018-2019 chhûnga M̄T̄KP rawngbâwlna tlângpui kan thlîrho ang a, BCM *style* pângngaiin thuang thum rawngbâwlna ruhrel, Thuhril (kérugma), Inpâwlho (koinónia) leh Thil tih (diakonia) zuin report hi buatsaih a ni e.

I. MISSION RAWNGBÂWLNA (kérugma):

1.1. Gospel Quasquicentennial lawmna tuang taka neih a ni.

Mizorama Chanchin Th̄a lo thlen champhaphâk kum 125-na, Mizoram Gospel Quasquicentennial lawmna BCM Assembly-in M̄T̄KP kuta a dahte chu ruahhman ang takin tuang takin tihhlawhtlin vek a ni a. Souvenir pawh September 28, 2018 (Zirtâwpni) khân Rev. Dr. C.L. Hmingan Sâp Upa & Pu Buanga Hall, Sêrkâwnah tlângzarhin thil chi hrang hrang, Pen, T-Shirt, Banga khai mawi (Wall hanging banner scroll) leh No (Coffee mug) te siam a ni. A siamnaah hian a theih chin chinah Kohhran mite dâwr an ni. Tin, hêng souvenir hralhna aṅanga sum lo lût hian Gospel Quasquicentennial lawmna thil lian tak tak buatsaih a ni, hetiangin:

1) October 13, 2018 (Inrinni) khân ‘Chanchin Th̄ain Mizo khawtlâng nun a tihdanglam dân’ tih thupui sawihona talk show buatsaih a ni a. He talk show hi Ignite Studio, Khatlâah neih niin mipui en theih tûra chhuah tûrin Audio Visual Wing, BCM Communications Department-ah pêk a ni.

2) October 16-23, 2018 chhûngin Lunglei khawpui chhûnga T̄KP Unit hrang hrangte intihsiakna Quiz chu Sâp Upa & Pu Buanga Hall, Sêrkâwnah tuang takin neih a ni. Programme zawng zawng hi Lungleia Cable TV pahnih, JB leh LDF-ah te *live telecast*-a pêk chhuah a ni a. Final zân, i.e. October 23rd hi Mizoram pumpui leh Mizoram pâwn thlenga en theihin LPS leh Zonet Cable TV-ah te live a ni. Intihsiakna kâr lakah hian Chanchin Th̄a lo thlen lawmna thû hlâ puan chhuah reng a ni. Quiz-ah hian Unit 29 te inelin result chu hetiang hi a ni: - Pakhatna: T̄KP Moria Unit (₹ 20,000/- & Citation), Pahnihna: T̄KP Vênglai Unit (₹ 15,000/- & Citation), Pathumna: T̄KP Sêrkâwn Unit (₹ 10,000/- & Citation), Consolation Prize: T̄KP Sethlun Unit leh T̄KP Edenthar Unit (₹ 5,000/- & Citation).

3) Mizoram khawpui pahnihah Gospel Quasquicentennial Open-air Free Concert hlawhtling takin buatsaih a ni. December 6, 2018 (Ningâni) chawhnu lamah SBI tual, Siahaah neiin December 15, 2018 (Inrinni) chawhnuah Diakkâwn Square, Kolasibah neih a ni bawk. BCM leh Kohhran pâwl dang zaithiam tak takten rawngbâwlna an nei a, khawtual mite pawhin an hlut thiam hle.

4) Gospel Quasquicentennial puala buatsaih Fakzairi music videos chu January 6, 2019 (Pathianni) khân tlângzarh a ni. M̄T̄KP aiawhin T̄KP Coordination Committee Aizâwl ten an buatsaih a, zaipâwl leh soloist th̄a tak takte an inlan a ni.

5) Essay Inziaksiakna leh Hla Inphuahsiakna buatsaih pawh a hlawhtling hle. Essay 56 lo lûtin Hla 29 a lo lût a. January 9, 2019 (Nilaini) khân BCM Biak In Sêrkâwna Thawktute Inhlan tharna Inkhâwmah result puan a ni. Lâwmman dawngtute chu – ESSAY INZIAKSIKNA: 1st H. Vânlalnggheta, Sêrchhîp, ‘Chanchin Th̄ain Mizo khawtlâng nun a

tihdanglam dân' (₹ 10,000/- & Citation); 2nd Rev. H.S. Lalramnghâka, Sangau, 'Mission rawngbâwlnaa Zoram Kohhrante hmabâk' (₹ 8,000/- & Citation); P.C. Lalrinawma, Bualpui V, 'Chanchin Ṭhain Mizo khawtlâng nun a tihdanglam dân' (₹ 5,000/- & Citation); Consolation prize – J. Lalrinawma, Dumka, Jharkhand leh Lalhmangaihzualla Râlte, Lunglâwn (₹ 3,000/- & Citation). HLA INPHUAHSIAKNA: 1st Lalfakawma Fânai, Cherhlun, 'Fakin kan zai e' (₹ 15,000/- & Citation); 2nd L.H. Lalhmingmuana, Raahsivêng, Lunglei, 'Chanchin Ṭha vângin' (₹ 10,000/- & Citation); 3rd R. Lalrinkima, Zârkawt, Aizâwl, 'Chanchin Ṭha min pe, Lalpa, kan lâwm e' (₹ 8,000/- & Citation); Consolation prize – R. Hrângthanpuia, Cherhlun; Seven V.L. Thutaka, Theiriât, Lunglei; B. Malsâwmkima, Châmari, Lunglei; T. Româma, Sêrchhîp leh T. Lalbiaklâwma, New Ngharchhîp (₹ 2,000/- & Citation).

1.2. ṬKP-ten chêng maktaduai hnih chuangin Missionary kan châwm.

MṬKP chuan kum tin hian BCM Mission Department-ah support a chhûng lût ṭhin a, nikum 2017-2018-a a pêk zât chu ₹ 1,70,000/- a ni. Tin, hetih lai hian Pastor Bial 80 leh Unit 271 ten BCM Headquarters-a Missionary support an chhûn luh tling khâwm chu ₹ 18,81,470/- a ni bawk. Chutichuan, kum kal ta 2017-2018 chhûnga ṬKP Mission Support tling khâwm chu ₹ 20,51,470/- a ni a, ṬKP member pakhatin ₹ 45.78 zêl pe ang kan ni.

1.3. ṬKP Day leh ṬKP Ramthim Ni thawhlâwm hmanga ṭanpuina pêk a ni.

ṬKP Day 2018 leh ṬKP Ramthim Ni 2018 thawhlâwm hmanga ṭanpuina pêk dân tûr Executive Committee-in a rêl angin BCM Biak In Shillong sak ṭanpuina te, BMS Kawrpuichhuah class room sakna leh Nunsury-a BCM rawngbâwlna bul ṭanna tûr te pêk a ni. Tin, Missionary dam lohnain a tlâkbuak eng emaw zât Mission Committee hruaitute râwn chungin chhawmdâwl an ni.

1.4. MṬKP Ṭawngṭaina In sak a ni.

Mizoram Sorkâr min beiseina ang leh Trade & Commerce Department aṭanga sum ruahman angin Missionary Kai, Tlabungah Ṭawngṭaina In MṬKP-in a sa a. February 14, 2019 (Ningani) khân Rev. J.C. Vânlalluaia, MṬKP President-in a hawng a ni. He hmun hi kum 1903-a Zosâp Missionary hmasa pahnih, Sâp Upa leh Pu Buanga te Mizoram chhim lam an rawn luh ṭuma an kaina hmun kha a ni. Ṭawngṭaina In sak kawnga ṬKP Tlabung Pastor Bial te thawhrimna leh he inin a rî ram neitu chhûngkua te inphalna avângin MṬKP chuan lâwmthu a sawi a. A duh apiangte tâna Pathian pâwlna hmun bâkah, lawng kai a nih angin waiting shed ṭangkai tak a ni dâwn a ni.

1.5. ṬKP Ramthim Ni leh ṬKP Day 2019 thupui vuah a ni.

ṬKP Ramthim Ni 2019 leh ṬKP Day 2019 thupui tûr thlan fel a ni, hetiangin:

Ramthim Ni 2019 thupui : 'Krista thuhretu rinawm' (Tirh 1:8)

ṬKP Day 2019 thupui : 'Ka chakna Lalpa' (Phil 4:13)

II. KOHRANA RAWNGBÂWLNA (koinónia):

2.1. Career Guidance chungchângah kawng hrang hrangin hma lâk a ni.

Mizoram ṬKP Rorêlna 2018 thu chhuak anga Career Guidance chungchângah hmalâkna thûah, MṬKP Executive Committee chuan ûm zuiin MṬKP thuzir kum te a ni a, Bial leh Unit lam tihah lutuk lo zâwngin hmâ lâk a ni. MṬKP aṭangin Career Guidance lehkhabu rotling tak tûr buatsaih a ni a. He lehkhabuah hian mi thiam tak takten an zir thiamna leh tawnhriat aṭangin zirna leh hnathawh tûr kawng hrang hrang inkawhmmuhna thu an ziaik. ṬKP Unit-ten ṭha an tih dân ang zêla hman ṭangkai tûrin a thlâwna sem a ni. School thlan chhuah (High School & Higher Secondary School) leh College-ah Career Guidance campaign neih a ni a. Tin, MṬKP hruaitute Pastor Bial leh Unit hrang hranga rawngbâwlna an pênchhuahnaah a remchân angin Career Guidance campaign neih zêl a ni. Hêng bâkah

hian Pastor Bial leh Unit ṬKP ten a remchân anga mahni hmun ṭheuhva ûm zui tûrin ngenna thu chhuah a ni.

2.2. ṬKP bul ṭantute inkawmhona video tihchhuah a ni.

July 30, 1951 (Thawhṭanni) zâna Sêrkâwn Sikulpuia Ṭhalai Kristian Pâwl (ṬKP) din a nih ṭuma telte zînga min la dampuite tîṭipuina March 23, 2018 khân Er. Henry-a in, Chaltlâng, Aizâwlah neih a ni a. He inkawmhona video hi dârkâr khata sei niin Cable TV lamah tihchhuah ṭhin a ni. Historical document hlu tak a ni.

2.3. MṬKP-in khual ṭha a thleng.

June 20-24, 2018 chhûng hian Zeme Baptist Association (ZBA) Nagaland hruaitu mi palite chu MṬKP nêna inûnauna siam tûr leh kan kalphung te zirchiang tûrin an rawn zin a. Anmahni lawmna inkhâwm BCM Biak In Zotlâng North-ah buatsaihin an châm chhûngin Lunglei leh Aizâwla BCM hmunhmâ pawimawhte tlawhpui an ni. ZBA hruaitu lo kalte chu Mr. Iluilung Kuame, Development Secretary, ZBA; Mr. Edaneing Newme, Mission Secretary, ZBA; Mr. Hairangteu Pame, President, Youth Department leh Mr. Kebau Riame, Secretary, Youth Department te an ni.

2.4. MṬKP property tihchangtlunna kawngah hma lâk chhunzawm a ni:

1) MṬKP Quarters (BCM Quarters No.18) thawm ṭhat leh tuaihnûm (repair & renovation) hna ṭul zual thawh a ni.

2) Projector thar (Epson EX-X05) lei a ni a. A hmanraw pawimawh (accessories) hrang hrang (HDMI cable, 8'x6' Tripod screen, Stand, Presenter/laser pointer)-te lei a ni bawk.

3) MṬKP ṭul hrang hrang, a bik takin Ṭhalai Êntu rawngbâwlnaa pawimawh tak thlalâkna, Nikon Digital SLR Camera 'D 5300' lei a ni.

2.5. MṬKP Official Youtube Channel siam a ni.

Mizoram ṬKP official Youtube channel 'Mizoram Ṭhalai Kristian Pawl' chu siam a ni a. He channel-ah hian MṬKP kutchhuak videos pawimawh hrang hrangte pho chhuah (upload) ṭhin a ni ang.

2.6. Pu R. Lungruala kan chhân ta.

ṬKP bul ṭantute zînga mi, President hmasa ber leh Office Bearer min dampui rei ber, Pu R. Lungruala chuan January 12, 2019 (Inrinni) khân Pathian hnênah min chawlhsan ta a. MṬKP hminga sûnna thu a ruang chungah chhiar chhuah a ni a, pangpâr dah a ni bawk.

2.7. Ṭhalai Êntu sum dinhmunin hma a sâwn leh hlek.

MṬKP thlakip chhuak chanchinbu Ṭhalai Êntu chu tluang takin chhuah chhunzawm zêl a ni a. Sum dinhmun pawhin hma a sawn hlek hlek e. Nikuma kan hmuh zawng zawng (Current Receipt) aiin kumina kan hmuh hi chêng sîngruk chuang laiin a tam zâwk a ni. Tin, kumin chhûng hian Ṭhalai Êntu sum hmangin ṬKP bul ṭantute inkawmhona show kan buatsaih bâkah, Camera thar kan lei bawk a. Nikum aiin sum kan hmang tam a, chuti chungin balance kan la nei ṭha zâwk fô a ni. A lâwmawm hle a, ṭahnemngai taka kan ṭanhonaah lâwmthu ka sawi a ni.

Tûn hma kum eng emawti chhûng kan lo tih tawh chhunzawmin Ṭhalai Êntu sum thenkhat hi bank-ah *fixed deposit*-in dah chhunzawm a ni a. Tûn term (2016-19) tîra ₹ 3,00,000/- kan dah chu a pung zawng zawng nên Principal Amount ₹ 3,53,825/- dah chhunzawm leh a ni. March 15, 2019-ah a mature ang a, Interest ₹ 7,561/- nên a vaia lâk chhuah theih zât (Amount Payable on Maturity) chu ₹ 3,61,386/- a ni ang. Hei hi a

hnuai Account Statement-ah hian chhût tel a ni. Kumin 2018–19 a Ṭhalai Êntu sum dinhmun (Audited Statements: 30 Jan '18–05 Feb '19) chu hetiang hi a ni:

Opening Balance	: ₹ 7,63,994.00
Current Receipt	: ₹ 10,81,183.00
Total Receipt	: ₹ 18,45,177.00
Total Payment	: ₹ 10,39,202.00
Balance	: ₹ 8,05,975.00

2.8. MṬKP Hruaitute rawngbâwlin kum tluanin an fehchhuak

Kumin hian tlâng hrang hranga ṬKP te kankuah leh BCM pâwn lama MṬKP aiawha palaiin tum 43 fehchhuah a ni a. BCM huang chhûnga Palaina zawng zawng hi tum 35 a ni a, MṬKP pâwn lamah rawngbâwlin tum 8 feh chhuah a ni baw, chûngte chu:

- 1) Baptist Youth Fellowship India Executive Committee meeting, Kolkata. 28 Feb 2018.
- 2) Central Kristian Ṭhalai Pâwl General Conference vawi 57-na, West Phailêng. 1-4 Mar 2018.
- 3) Kristian Boidkhallie Dawl (KBD) Inkhâwmpui Vawi 1-na, Rualalung. 2-4 Mar 2018.
- 4) North East India Christian Council Youth Assembly Silver Jubilee, Umpling Presbyterian Church, Shillong. 20-22 Apr 2018.
- 5) Asia Pacific Baptist Youth (APBY) 'Making & Multiplying Disciples (MD2) Conference', Hồ Chí Minh City, Vietnam. 10-12 May 2018.
- 6) Lairam Isua Krista Baptist Kohhran Ṭhalai Pâwl Conference, Sangau. 6-9 Dec 2018.
- 7) Jampui-Sakhan Ṭhalai Kristian Pâwl Inkhâwmpui, Hmunpui Baptist Church, Tripura. 11-13 Jan 2019.
- 8) Evangelical Church of Maraland Krizypha Thyutlia Py (ECMKTP) Inkhâwmpui. 31 Jan-4 Feb, 2019.

III. KHAWTLÂNG LEH RAM RAWNGBÂWLNA (diakonia):

3.1. Pu H. Vanlalpêka chhawmdâwl a ni.

Pu H. Vanlalpêka, Finance Secretary, ṬKP Kanaan Unit, Lunglâwn Pastor Bial te chhûngkua chuan dt. 4.6.2018 (Thawhṭanni) zânah khuarêl chhiatna râphtlâk tak an tâwk a, an in chu lei minin hnâwlin chhûngkaw member pathum laiin nunna an chên a, an in thar an luh hlim chauh pawh lei hian a min hnan ta vek a ni. Tin, an in hnuai luah a puzawn te chhûngkaw ruang 7 lai khaw danga phûm tûrin thawn chhuah a ni baw. Hemi chungchângah hian MṬKP hminga chhawmdâwlna pêk ve ṭhaa hriat a ni a, relief ₹ 10,000/- pêk a ni. June 7, 2018 khân Committee member mi 10 rualte thawk chhuakin an hlân a ni.

3.2. Tlabung tui lian kâra hnatlângte ṭanpuina pêk a ni.

Tui lian avânga harsatna namên lô tâwk, tûn tum MṬKP Inkhâwmpui thleng tûra inbuatsaih lai, Tlabung khua chu an harsatnate ṬKP-ten hriatpuiin kan ṭawmpui a ni tih lantîrin chhawmdâwl hna thawktu mi tlâwmngai hnatlângte thingpui lumna tûr ₹ 5,000/- pên ṭanpui ve an ni.

3.3. MṬKP-in Thisen Pe chawimawina leh lâwmman a dawng.

Nunna chhanhim nân leh a mamawh apiangte chhawr theih tûra ṬKP-ten thisen a thlâwna kan pêk ṭhin chu hmun hrang hrangah chhunzawm zêl a ni a. World Blood Donor Day (June 14, 2018) denchhena Association for Voluntary Blood Donation (AVBD) Aizâwl buatsaih thisen pe chawimawina Lal Thanhawla Auditorium-a neihah Mizoram ṬKP chuan chawimawina a dawng. Tin, ṬKP Coordination Committee Aizâwl chu religious

group zînga tiþha ber niin lâwmman pakhatna an dawng bawk. ẸKP Coordination Committee hian voluntary blood donation camp tum 4 buatsaihin thisen unit 522 an pe a ni. He ni vêk hian Civil Hospital Lungleia AVBD Lunglei buatsaih chawimawina hlanna inkhâwmah Lunglei District-a Kohhran pâwl thisen pe tam ber chawimawina chu MẸKP hlan a ni a. MẸKP hian kum kal ta chhûng khân Lunglei district-ah thisen unit 2347 a pe a ni.

3.4. Christian Hospital Poor Fund hlan a ni.

Rorêlna 2018 thu ûm zuia Christian Hospital Poor Patient Fund atâna Unit hrang hrangte Fehchhuah thawhlâwm tling khâwm ₹ 3,21,740/- chu January 7, 2019 (Thawhtanni) khân Upa Dr. B. Laldinliana, Medical Superintendent kutah hlan a ni a. Sum hlan pah hian MẸKP Rorêlnain Christian Hospital Lawngtlai lam a ngaih pawimawh dân te hrih hriat a ni bawk.

Tlângkawmna:

Kum 2018-2019 chhûnga Mizoram ẸKP hmasâwnna rahbi min rahtîr a, rawngbâwlina hnûhmâ chhuanawm tak tak hnutchhiah theia min hruaitu Pathian hnênah ropuina awm se. A buatsaihtu tân pawha report pêk nuam tak buatsaih a nih theih nâna MẸKP rawngbâwlina chelh dinga khalh kaltu tlâng leh mual hrang hranga ẸKP member zawng zawngte chungah Mizoram ẸKP aiawhin lâwmthu ka sawi a ni. ẸKP hruaitu thahnemngai tak takte leh member inpe tak takte, Pathianin malsâwmin vêng zêl che u rawh se.

‘Krista leh Kohhran tân’



(REV LIANCHHÛNGA KHIANGTE)

Organiser
Mizoram Thalai Kristian Pawl
Baptist Church of Mizoram